

Idioma bosniaco

Idioma bosniaco u **bosnián** (en bosniaco *bosanski jezik*) ye a denominación que recibe oficialment a variant estandarizada d'o continuum dialectal serbo-croate que fan servir os bosniacos en Bosnia y Herzegovina, Serbia, Montenegro, Croacia y otros estaus mugants. Ye a luenga oficial de Bosnia y Herzegovina.

O standard bosniaco se basa sobre tot en a parla d'Herzegovina, que fa part d'o dialecto štokavián, a l'igual que os standards d'as "lenguas" croata, montenegrina y serbia, tamién denominacions locals de variants estandarizadas d'o serbo-croate. Muitos d'os parlants nativos no son comodos con a denominación "serbo-croate" y prefieren as denominacions relativas a las nacionalidatz a las que perteneixen.

O idioma bosniaco ye una luenga eslava meridional que s'escribe en alfabeto latín, encara que tamién s'admite a suya escritura en alfabeto cirilico. En a Bosnia Otomana se faciό servir l'alfabeto arabigo pa escribir as parlas štokavianas locals, precursoras d'as que charran os bosniacos, pero tamién d'as que charran os croates y os serbios de Bosnia y Herzegovina. Manimenos esta literatura alchamiada eslava estió escasa.

O lexico bosniaco presenta muitos arabismos, turquismos y persismos, que fueron ampraus en tiempos d'os otomans. Este lexico relacionau con culturas islamicas diferencia o bosniaco d'as atras variants estandarizadas d'o serbo-croate, y tamién lo diferencian d'os dialectos serbo-croates de fuera de Bosnia y Herzegovina.

Idioma bosniaco

bosanski jezik / босански језик

Parlato en: Bosnia, Serbia, Montenegro y Croacia.

Parladors: 2,5-3,5 millons

Filiación

chenetica:

Eslava

Eslava grupo meridional

Estatus oficial

Oficial en:  Bosnia

Reconoixito en:  Croacia

 Serbia

 Montenegro

Regulato


por:

Codigos

ISO 639-1 ns

ISO 639-2 bos

SIL BWF (http://www.ethnologue.com/show_language.asp?code=BWF)



Estensión d'o Idioma bosniaco

Obtenito de "https://an.wikipedia.org/w/index.php?title=Idioma_bosniaco&oldid=1602161"

O texto ye disponible baixo a [Licencia Creative Commons Atribución/Compartir-Igual](#); talment sigan d'aplicación clausulas adicionais. Mire-se [os termins d'uso](#) ta conoixer más detalles.